

宋史新編

宋史新編卷一百八十

列傳一百二十二

明南京戶部主事莆田柯維騏著

列女

列女自漢紀之或甘貧共隱或獻規輔德或尊章致孝或志節靡虧均謂之賢顧宋史獨褒孝節庸非以二者女德所先在常情尤難哉嗚乎古有師氏姆氏之訓衛共姜宋伯姬僅見於經孰謂叔世教衰而窮巷幽閨克播徽美有若而人乎易坤之辭曰妻道也臣道也褒列女者所以勸爲臣也

朱娥

張氏

彭列女

郝節娥

朱氏

崔氏

趙氏

丁氏

項氏

王氏婦

徐氏

榮氏

何氏

董氏

舊氏三附人

譚氏

謝氏附

劉氏

張氏

師氏

陳堂前

廖氏

梁氏

劉當可母

曾氏婦

王褒妻

涂端友妻

詹氏女

劉生妻

舊氏附

謝泌妻

梁氏附

謝枋得妻

王貞婦

趙淮妾

譚氏婦

吳中孚妻

呂仲洙女林老女

童氏女

韓氏女

王貞婦梁氏

鄭覃妻董氏

劉全子妻

毛惜惜

朱娥者上虞朱回女也母早亡養于祖媼娥方十歲里中無賴朱顏與媼競持刀欲殺媼一家驚潰獨娥號呼突前以身擁蔽其媼手挽顏衣曰寧殺我毋殺媼也媼以娥故得脫娥連被數十刀猶手挽顏衣不釋顏忿恚斷其喉以死事聞賜其家粟帛其後會稽令以配祀曹娥廟焉

張氏江夏民婦也里中惡少謝師乞者懷刃過其家逼欲與爲亂曰從我則生不從則死張大罵曰庸奴我可死不可生也至以刃斷其喉猶能走擒師乞以告隣人旣死朝廷詔封旌德縣君表墳曰列女之墓賜酒帛令

郡縣致奠焉

彭列女生洪州農家從父泰入山伐薪父遇虎將不脫女拔刀斫虎奪其父而還事聞詔賜粟帛敕州縣歲時存問

郝節娥嘉州娼家女生十歲母娼苦貧賣於洪雅良家爲養女始笄母奪而歸欲令世其娼娥不樂母日逼之娥曰少育良家習織作組紃之事又輒精巧能給母朝夕欲求此身終爲良可乎母怒且箠且罵洪雅春時爲蠶叢祠唱與邑少年期因蠶叢具酒邀娥娼與娥徐往娥見少年倉皇驚走母挽拽不得已留坐中顧酒食輒

唾強飲之則嘔噦滿地少年卒不得侵凌暮歸過雞鳴渡娥度他日必不可脫陽渴求飲自投于江以死

朱氏開封民婦也家貧賣巾屨簪珥以給其夫夫日與俠少飲博犯法徒武昌父母欲奪而嫁之一夕自經死且曰及吾夫未去使知我不爲不義屈也

崔氏合肥包繆妻繆拯之子早亡惟一稚兒拯意崔不能守也使左右嘗其心崔曰生爲包婦死爲包鬼誓無它也其後稚兒亦卒母呂自荊州來誘崔欲嫁之崔不從呂怒詛罵曰我寧死此決不獨還崔泣曰義不當使母獨還然到荊州儻以不義見迫必絕於尺組之下願

以屍還包氏遂偕去母見其誓必死卒還包氏

趙氏貝州人父嘗舉學究王則反聞趙有殊色劫致之趙知不脫乃給曰必欲妻我宜擇日以禮聘賊信之使歸其家家人懼其自殞得禍于賊益使人守視賊其聘帛盛輿從來迎趙與家人訣曰吾不復歸此矣遂涕泣登輿而去至州廨舉簾視之已自縊輿中死矣

張晉卿妻丁氏鄆州人靖康中爲金兵所得挾之鞍上丁投于地戟手大罵復挾上馬罵不已縱擊死杖下項氏吉水人適孫氏爲里胥所逮至中途欲侵凌之項引刀自刺而死徽宗詔贈孺人旌表其廬

王氏二婦汝州人建炎初爲金人所掠擁置舟中遂投漢江以死屍浮出不壞人爲收葬江上爲雙塚表之

徐氏和州人閬中女也適同郡張弼建炎三年金人犯維揚官軍奔潰肆虜掠執徐欲汙之徐罵曰敵犯行在汝輩不能赴難又乘時爲盜我恨一女子不能引劍斷汝頭肯爲汝辱苟活耶賊慙恚殺之投江中

榮氏疑女弟也歸將作監主簿馬元穎建炎二年張遇寇儀真榮與其姑及二女出走賊至脅之不從賊殺其女脅之益急榮厲聲詬罵遂遇害

何氏吳人吳永年之妻也金兵道三吳永年與姊及何



奉母而逃爲賊所得將繫之何給謂賊曰諸君何不武耶婦人東西惟命爾賊信之行次水濱謂其夫曰我不負君遂投于河其姊繼之

董氏滕縣人許適劉氏建炎初盜李昱剽縣悅其色欲亂之女終不屈斷其首三年盜馬進掠臨淮王宣要其妻曹氏避之曹曰我聞婦人死不出閨房遂遇賊不屈見殺四年盜祝友於滁州掠人爲糧東安民丁國兵及其妻爲所掠妻泣曰丁氏族流亡已盡乞存夫以續其祀賊遂釋夫而害之同時叛卒楊就寇南劔州道出小常村掠一民婦欲與亂婦毅然誓死不受汙遂遇害

屍道傍賊退人爲收瘞屍所枕藉虎跡宛然不滅每雨則乾晴則濕或削去卽復見覆以他土其迹愈明

譚氏真陽縣人曲江村士人吳琪妻也紹興五年盜起譚被執盜欲妻之譚罵曰良家女豈若偶耶遂遇害同時南雄李科妻謝氏保昌故村人囚虔盜中數日欲犯之謝唾其面曰寧萬改我不汝徇也盜怒剉之

劉氏朐山人適同里陳公緒紹興末金人犯山東公緒倡義來歸時劉歸寧倉卒不得與偕惟挈其子庚以行宋授以八品官累功至正使劉留北方音問不通矢志靡他公緒亦不他娶庚浸長傾家貲結任俠奔走淮甸

十餘年遂得母以歸劉在北二十五年緯蕭以自給  
張氏羅江士人女其母楊氏寡居一日親黨有婚會母  
女偕往其典庫雍乙者從行既就坐乙先歸會罷則乙  
死于庫提點刑獄張文饒疑楊有私殺乙以滅口遂命  
劾治并逮其女考掠無實母絕而復蘇者屢辭終不服  
一日女謂獄吏曰我不勝苦毒將死矣願一見母吏憐  
而許之謂母曰母寧死筆楚不可自誣女今死將訟冤  
于天言終而絕於是連三日地大震聲如雷天雨雪屋  
瓦皆落邦人震恐勘官李志寧疑其獄夕禱于天俄假  
寐聽事恍有袞隆前驚寤索之不見志寧自念非殺人

省袁姓乎門卒忽言張氏饋食之夫曰袁大明日袁至  
執之袁遽曰願就死問之云適盜庫金會雍歸遂殺之  
楊乃得免時女死才數日獄上郡榜所居曰孝感坊  
師氏永豐人父驥宣和中爲右正言十餘日凡七八疏  
論權倖及廉訪使者之害而去女適范世雍子孝純建  
炎初賊掠方城孝純先被害賊欲汙師氏許以不死師  
罵曰我中朝言官女豈可受賊辱遂害之

陳堂前雒縣王氏女節行爲鄉人所敬但呼曰堂前猶  
私家尊其母也堂前年十八歸同郡陳安節歲餘夫卒  
旣葬其夫事親治家有法舅姑安之訓子日新入太學

二孫曰綱曰紱咸篤學舅姑亡夫之妹求分財產堂前盡遺室中所有無靳色親屬貧窶不能自存者收養婚嫁至三四十人自後宗族無慮百數子孫遵遺訓五世同居竝以孝友儒業著聞乾道九年詔旌門閭

廖氏臨江貢士歐陽希文之妻也紹興三年盜白氈笠過臨江爲所追廖以身蔽姑使希文負之逃賊執廖氏廖正色叱之遂被害是年盜彭友犯龍泉李生妻梁氏義不受辱赴水而死

王氏利州提舉常平司幹辦公事劉當可之母也紹定三年就養興元元兵破蜀提刑檄當可詣行司議事元

軍屠興元王氏義不辱大罵投江而死婦杜氏亦及于難當可奔赴江潯得母喪以歸詔贈和義郡太夫人

曾氏婦晏寧化人夫死守幼子不嫁紹定間寇至令佐俱逃將樂縣宰黃埒令土豪王萬全王倫結諸砦以拒賊晏首助兵給糧多殺獲賊集愈衆諸砦不能禦晏乃依黃牛山自爲一砦一日賊遣人索婦女金帛晏召田丁諭曰賊意在我汝念主母名當用命不勝卽殺我因解首飾悉與田丁晏自搥鼓使諸婢鳴金以作其勇賊復退敗鄰鄉依避難者甚衆復與倫萬全共措置析黃牛山爲五砦選少壯爲義丁賊屢攻弗克所活數萬人

事聞詔封恭人賜冠帔其子補承信郎

王表妻趙氏樂平人表監上高酒稅金兵犯筠棄官逃  
遇金人縛繫夫婦於市門而入剽趙宛轉解縛并解表  
謂曰君速去俄金人出趙他指以誤之虜怒殺趙

涂端友妻陳氏臨川人紹興九年盜起被驅入黃山寺  
逼之不從以刃加其頸叱曰我良家子義豈爾辱賊幽  
之屋壁居數日人咸齎金帛贖其孥賊引端友妻令歸  
曰吾何面目登涂氏堂罵不絕竟死之

詹氏女蕪湖人父老而貧授經里中女與兄事之甚謹  
間取給女之手抄列女傳溫讀不輟紹興初年十七寇

張遇號一窠蜂倏破縣女歎曰父子無俱生理我計決矣俄賊至欲加刃父兄女趨前拜曰妾願執巾帚事將軍贖父兄命賊釋之女麾手使亟去無顧我我得侍將軍何憾哉隨賊行數里過市東橋躍身入水死

劉生妻歐陽氏安福人以事出惡少來欲侵凌之歐陽不受辱而死同縣朱雲孫妻劉氏姑病雲孫割股以進正愈姑復病劉亦割股又愈時稱孝婦

謝泌妻侯氏南豐人盜起焚里舍殺人遠近逃避姑疾篤不能去侯號泣姑側盜逼之侯曰寧死不從盜刃之仆溝中賊退漸蘇後夫與姑俱亡子幼父母欲更嫁之



侯曰忍使謝氏無後乎寧貧以養其子雖餓死亦命也  
同縣有樂氏二女父以鬻果爲業父紹定二年挈家避  
盜盜掠其舟將逼二女俱不從一赴水死一見殺

謝枋得妻李氏安仁人枋得起兵敗逃入閩武萬戶恐  
其扇變購捕之根及其家人李攜二子匿貴溪山荆棘  
中採草木而食景炎二年冬信兵蹤跡至山中令曰苟  
不獲李氏屠而墟李聞之曰豈可以我故累人遂就俘  
明年徙囚建康或指李言曰明當沒入矣是夕自經獄  
中死枋得母桂氏尤賢達自枋得逋播婦與孫幽遠方  
無一怨語人問之曰義當然也

王貞婦夫家臨海人也德祐二年元伯顏兵徇台州婦  
壘家被執旣而舅姑夫皆死主將見婦哲美欲內之婦  
號慟欲自殺爲奪挽不得死夜令婦人雜守之婦乃陽  
謂主將曰舅姑夫皆死而不爲之哀是不天也不天之  
人將焉用之請爲服期卽惟命不然終死耳主將恐其  
誠死許之然防守益嚴明年春師還挈行至嵎青楓嶺  
下臨絕壑婦待守者少懈齧指出血書字山石上南望  
慟哭自投崖下而死後其血皆漬入石間盡化爲石天  
且陰雨卽墳起如始書時至治中被旌曰貞婦郡守立  
石祠嶺上易名曰清風嶺

趙淮妾長沙人也。淮事在忠義，得妾逸其姓名。德祐中，從淮戍銀樹垠，兵敗俱被執。淮被害，棄尸江濱。妾伴一軍校帳中，乃解衣中金遺左右，告之曰：「趙運使不葬妾，誠不能忘情。」願因公言使掩埋之。當終身事相公，無憾矣。軍校憐其言，使數兵輿如江上，焚淮骨置缶中，自抱持操小舟至急流，仰天慟哭躍水而死。

譚氏婦，趙氏永新人。景炎二年，元兵破其城，趙氏抱嬰兒隨舅姑匿邑校中，爲悍卒所獲，殺其舅姑，執趙欲汙之。趙罵曰：「吾寧從舅姑以死耳。」遂與嬰兒同遇害，血漬於禮殿兩楹之間。入甌爲婦人與嬰兒狀，久而宛然如

新或訝之磨以沙石不滅又煨以熾炭其狀益顯  
吳中孚妻進賢人少寡景定元年兵亂攜孤女自沉于  
縣之染步曰義不辱吾夫

呂仲洙女名良子晉江人父疾瀕殆女焚香祝天刲股  
爲粥以進時夜中群鵲遶屋飛噪仰視空中大星燁煜  
如月者三越翌日父瘳守真德秀表其居曰懿孝

林老女永春人及笄未昏紹定二年寇犯邑入山避之  
猝遇寇欲汙之不從度不得脫給曰有金帛埋於家盍  
同取之甫入門大呼曰吾寧死於家決不辱吾身賊怒  
殺之越三日面如生

童八娜鄆人虎銜其大母女手拽虎尾祈以身代虎爲  
釋其大母銜女以去林栗聞于朝祠祀之

韓氏女字希孟巴陵人或曰琦之裔少明慧知讀書開  
慶初元兵至岳陽女年十有八爲卒所掠將挾以獻主  
將女知必不免竟赴水死越三日得其尸於練裙帶有  
詩曰我質本瑚璉宗廟供蘋蘩一朝嬰禍難失身戎馬  
間寧當血刀死不作衽席完漢上有王猛江南無謝安  
長號赴洪流激烈摧心肝

王貞婦梁氏臨川人嫁夫才數月會元兵至與夫約曰  
吾義不受汙辱若後娶當告我頃之夫婦被掠有軍士

宋史新編卷一百八十一

列傳一百二十三

明南京戶部主事莆田柯維騏著

方技

世傳方技尚矣王者使民趨吉避凶而免於札瘥天昏  
之患惟占與醫尤爲急焉然非其人則罔攸濟甚者擾  
天紀而輕民命與何賴矣宋以二術名者頗衆以賢稱  
者亦不乏王處訥謂多殺短祚是仁人之言也皇甫坦  
謂心無爲則身安是道家之旨也郭天信不阿附姦相  
是忠臣之操也安時不盡納酬金是廉夫之行也君  
子擬之漢嚴君平唐李淳風云其他談神異者往往出

於方士如蘇澄隱柴通玄諸人養生延年庶幾陳搏之  
匹與夫蠹國亂政者奚可槩言哉

趙脩已

王處訥

子熙元

苗訓

子守信

馬韶

楚芝蘭

韓顯符

史序

周克明

劉翰

王懷隱

趙自化

馮文智

沙訥洪蘊

蘇澄隱

丁少微

趙自然

賀蘭樓真

柴通玄

甄棲真

楚衍

僧志言

僧懷丙

許希

龐安時

錢乙

僧智緣

郭天信

魏漢津

王老志

王仔昔

林靈素

皇甫坦

王克明

沙米道人

孫守榮

趙脩已浚儀人精椎步之學晉李守真表爲司戶叅軍  
漢乾祐中守真鎮蒲津懷異志脩已屢諭以禍福不聽  
遂辭疾去明年守真敗脩已得免於禍周祖鎮鄴奏叅  
軍謀會隱帝將害周祖脩已知天命所在密謂曰公位  
極將相居功高不賞之地雖欲殺身成仁何益於事不  
如引兵南渡詣闕自訴則明公之命是天所與也天與  
不取悔何可追周祖遂決渡河之計及卽位遷至司天  
監顯德中累加檢校戶部尚書宋初加太府卿卒  
王處訥洛陽人少時有叟至舍煮河石如麵令食之曰



後當爲人師又感異夢因留意星曆占候之學仕漢判  
司天監周祖雅相善及舉兵入汴遽命訪求因問劉氏  
祚短事對曰以曆數推之其大祀猶未第多報讎殺人  
結怨天下所以運祚不長周祖蹶然太息於是漢大臣  
多得全活廣順中遷司天少監王朴作欽天曆處訥私  
示朴曰此曆不久卽差朴深然之建隆應天曆處訥所  
造太平興國中又上新曆遷至司天監卒于熙元

熙元幼習父業自司天曆算累遷少監奉詔續陰陽事  
十卷上之真宗爲製序賜名靈臺祕要初上所脩儀天  
曆秋官正趙昭益言其二年後必差又熒惑度數稍謬

後果驗熙元頗伏焉熙元官終將作監致仕卒

苗訓河中人仕周爲殿前散員右第一直散指揮使陳橋推戴訓皆頂白其事語在本紀擢至檢校工部尚書卒子守信

守信少習父業歷司天臺主簿知筭造太平興國中以應天曆小差詔與冬官正吳昭素主簿劉內真造新曆及成太宗命衛尉少卿元象宗等同校定號乾元曆頗爲精密累遷少監卒

馬韶趙州人習天文三式太宗尹京韶一夕造親吏程德玄曰明日乃晉王利見之辰德玄惶駭遽入白太宗

太宗將聞于太祖詰旦果受遺踐阼詔以赦獲免踰月起家爲司天監主簿累遷太常博士歷長山令卒

楚芝蘭汝州人歷擢司天春官正判司天監事占者言五福太一臨吳分當於蘇州建太一祠芝蘭獨請建于京師輿論不能奪宮成特遷尚書工部員外郎淳化初同判監坐事出爲遂平令卒

韓顯符不知何許人少習三式歷靈臺郎累加司天冬官正顯符專渾天之學淳化初表請造銅渾儀候儀上其法要十卷其制有九事具天文志自是顯符專測驗渾儀累加春官正又轉太子洗馬敗敍中丞兼翰林人

文卒

史序字正倫京兆人補司天學生累遷知監事淳化三年司天鄭昭晏言臣測金火行度須有相犯今驗之天而火行漸南金度漸北有若相避序言此國家欽崇天道聖德所感也序後修儀天曆上之又嘗纂天文曆書爲十二卷以獻歷數中丞權知少監卒

周克明字昭文曾祖德扶唐司農卿祖傑開成中進士歷弘文館校書郎僖宗在蜀傑上書言治亂萬餘言累遷司農少卿傑嘗以大衍曆數有差因敷衍其法著極衍二十四篇天復中棄官攜家避地嶺表劉隱素聞其

名每令占候傑恥以星曆事僭偽乃謝病不出龔龔位  
彊起之令知司天監事因問國祚脩短傑以周易筮之  
謂當五百五十龔僭國五十五年而滅蓋傑舉成數以  
避言耳詳具南漢世家遷太常少卿卒年九十餘傑生  
茂元亦世其學事龔至司天少監歸宋授監丞卒卽克  
明父也克明開寶中累遷春官正景德初嘗獻所著文  
召試中書賜同進士出身三年有大星出氐西衆莫能  
辨或言國皇妖星爲兵凶之兆克明請對謂星名周伯  
所見之國大昌願許文武稱慶以安天下心上從其請  
拜太子洗馬殿中丞皆兼翰林天文又權判監事後坐

事降爲洗馬卒

劉翰滄州人世習醫業初攝護國軍節度巡官周顯德初詣闕獻經用方書二十卷論候十卷全體治世集二十卷世宗嘉之命爲翰林醫官建隆初加鴻臚寺丞乾德初考較翰林醫官藝術以翰爲優嘗被詔詳定唐本草歷翰林醫官使加檢校戶部郎中雍熙初滑州劉遇疾詔翰馳往視之翰還言遇必瘳旣而卽死坐責授和州團練副使起爲尚藥奉御復爲醫官使卒

王懷隱睢陽人初爲道士太宗尹京以湯劑祇事太平興國初詔歸俗累遷翰林醫官使詔與醫官陳昭遇等

編類經驗方一百卷太宗御製序賜名曰太平聖惠方  
昭遇不嶺南人醫術尤精驗後加光祿寺丞賜金紫  
趙自化德州人高祖嘗爲景州刺史後舉家陷契丹父  
知岳脫身南歸寓居洛陽與二子自正自化周顯德中  
偕來京師悉以醫術稱知岳卒自正試方技補翰林醫  
學自化歷授醫官副使加至正使卒遺表以所撰四時  
養頤錄爲獻真宗改名調膳攝生圖仍爲製序自化頗  
喜爲篇什有詩集五卷

馮文智并州人世以方技爲業事太宗真宗至醫官副  
使祀汾陰加檢校主客員外郎卒咸平中有軍士中流

矢貫耳衆醫不能取醫官閻文顯以藥傳之信宿而鏃出上命賜緋又有醫學劉贊亦善此術天武右廂都宿揮使韓最從太祖征晉陽弩矢貫左髀鏃不出幾三十年贊傳以藥出之步履如故特賜金遷醫官

沙門洪蘊本姓藍長沙人以醫術知名太祖召見賜紫方袍號廣利大師真宗累轉左街副僧錄洪蘊尤工診切每先歲時言人生死無不應卒年六十八又有廬山僧法堅亦以善醫著名久遊京師嘗賜紫方袍號廣濟大師後還山卒

蘇澄隱字棲真真定人爲道士住龍興觀得養生之術



年八十餘不衰老後唐以來屢有聘命竝辭疾不至太祖嘗召見行宮謂之曰師累辭召命豈懷土耶對曰大梁帝心茫穰繁會非林泉之士所可寄迹也賜茶絹又幸其觀因問其術對曰臣之養生不過精思鍊氣耳帝王養生卽興於老子曰我無爲而民自化我無欲而民自正無爲無欲凝神太和黃帝唐堯享國永年得此道也上大悅賜紫衣金帛年僅百歲卒

丁少微亳州真源人爲道士持齋戒奉科儀尤爲精至嘗隱華山潼谷與陳搏齊名少微志尚清潔搏嗜酒適性其道不同未嘗相往還少微善服氣多餌藥年百餘

康彊無疾太平興國三年召赴闕以金丹巨勝南之  
玄芝爲獻留數月遣還山數年卒

趙自然繁昌人本名王九始十三疾甚父抱詣青華觀  
許爲道士後夢一老人出青柏枝令啗及覺遂不食惟  
生果清泉而已歲餘復夢向見老人教以篆書數百字  
或云此道家符籙耳嘗爲元道歌言脩煉之要太宗召  
赴闕賜道士服改名自然資錢三十萬月餘遣還真宗  
召至闕下屢得對賜紫衣改青華觀曰延禧自然以母  
老求還侍養許之時又有鄭榮者本禁軍戍壁州還夜  
遇神人謂曰汝有道氣勿火食因授以醫術救人上賜

名自清度爲道士居上清宮所傳藥能愈大風疾民多  
求之皆刺臂血和餅給焉又有秦州民家子趙抱一者  
常牧羊田間一夕遇異人自是不喜熟食間亦飲酒貌  
如嬰兒素不習文墨口占辭句頗成篇詠有道家之趣  
大中祥符四年至京師猶非角詔賜名度爲道士自是  
間歲或一至京師常令居太一宮

賀蘭棲真不知何許人爲道士自言百歲善服氣不憚  
寒暑間不食或時縱酒遊市鄽間能啖肉至數斤始居  
嵩山紫虛觀後徙濟源奉仙觀張齊賢與之善真字優  
詔遣中使召赴闕賜號宗玄大師資紫服及茶帛香藥

特蠲觀之田租度其侍者未幾求還舊居卒時大雪經三日頂猶熱人多異之

柴通玄字又玄陝州人爲道士於承天觀年百餘歲善辟穀長嘯唯飲酒太宗召至闕下懇求歸本觀真宗卽位屢來京師召對語無文飾多以脩身真行爲說祀汾陰召至行在命坐問無爲之要上賜詩并賚茶藥繒帛詔爲脩道院度弟子二人明年春通玄作遺表自稱羅山太一洞主遣弟子張守元李守一詣闕以龜鶴爲獻又召官僚士庶言生死之理夜分盥濯然香庭中望闕而坐遲明卒同時又有華山隱士鄭隱敷水隱士李寧

真宗亦召見行在並如通玄所賜隱辭賜物不受隱業  
儒遇道士傳辟穀鍊氣之法頗驗寧精於藥術老而不  
衰賜號正晦先生

甄棲真字道淵單父人博學善詩賦一應進士舉不中  
第遂讀道家書久之爲道士年七十五遇異人或以爲  
許元陽授鍊形養元之訣三年漸反童顏攀高攝危若  
飛乾興元年秋謂其徒曰此歲之暮吾當逝矣卽自斃  
殯室不食與所知敘別以十二月二日衣紙衣臥甕榻  
卒歲久形如生衆驚爲尸解棲真自號神光子與隱人  
海蟾子以詩往還論養生祕術目曰還金篇凡兩卷

經衍開封人少通四聲字母於九章緝古綴術海島算經尤得其妙明相法及聿斯經善推步語休咎無不中同製崇天曆及司辰星漏曆官至管勾司天監卒

僧志言自言姓許壽春人落髮東京景德寺爲清瑒弟子動止軒昂語笑無度多行市里褰裳疾趨舉指書空佇立良久時從屠酤遊飲啗無所擇衆以爲狂瑒獨曰此異人也人有欲爲齋施輒先知以至不召款門指名取供仁宗每延入禁中徑登坐結趺飯畢遽出未嘗揖也王公士庶召卽赴然莫與交一言者或陰卜休咎書紙揮翰甚疾字體適壯初不可曉其後多驗仁宗嗣未

立默遣內侍至志言所志言所書有十三郎字人莫測  
何謂後英宗以濮王第十三子入繼衆始悟志言將死  
作頌不可曉已而曰我從古始成就逃多國土今南國  
矣仁宗遣內侍以真身塑像置寺中榜曰顯化禪師其  
後善厚者禮之見額上熒然有光就視之得舍利

僧懷丙真定人巧思出天性非學所能至也河中府浮梁用鐵牛八維之一牛且數萬斤後水暴漲絕梁牽牛沒于河募能出之者懷丙以二大舟實土夾牛維之用大木爲權衡狀鈎牛徐去其土舟浮牛出轉運使張滂以聞賜紫衣尋卒

許希開封人以醫補翰林醫學仁宗不豫侍醫數進藥不效希鍼心下包絡之間亟愈命爲翰林醫官賜緋衣銀魚及器幣希拜謝已又西鄉拜帝問其故對曰扁鵲臣師也安敢忘乎帝爲築廟于城西隅封靈應侯希至殿中省尚藥奉御卒著神應鍼經要訣行于世

龐安時字安常蘄州人父世醫授以脉訣安時曰是不足爲也取黃帝扁鵲之脉書治之未久已能通其說時出新意嘗曰扁鵲寓術於其書而言之不詳意者使後人自求之歟予之術蓋出於此又著難經辨數萬言作本草補遺爲人治病率十愈八九踵門求診者爲辟邸



舍居之活人無數病家持金帛謝不盡取也嘗詣舒之  
桐城有民家婦孕將產七日而子不下百術無所效安  
時度兒已出胞而手誤執母腸不能脫乃隔腹捫兒手  
所在鍼其虎口卽縮手遽生取兒視之右手虎口鍼痕  
存焉年五十八疾作門人請自視脉笑曰吾察之審矣  
胃氣已絕死矣遂屏卻藥餌後數日與客坐語而卒其  
鄉人屠光遠者嗜洒落魄頗能傳其鍼法云

錢乙字仲陽鄆州人父頴善醫然嗜洒喜游一旦東之  
海上不反乙方三歲母前死姑嫁呂氏哀而收養之長  
誨之醫乃告以家世卽訕請往迹尋凡八九反積數歲

遂迎父以歸時已三十年矣初爲翰林醫學皇子病瘰癧乙進黃土湯而愈神宗問狀對曰以土勝水水得其平則風自止擢太醫丞賜金紫由是公卿宗戚家延致無虛日王子病嘔泄他醫與剛劑加喘焉乙曰是本中熱脾且傷奈何復燥之將不得前後溲與之石膏湯王不信謝去信宿寢劇竟如言而效又乳婦因悸而病旣瘳目張不得瞑乙曰熯郁李酒飲之使醉卽愈所以然者目系內連肝膽恐則氣結膽衡不下郁李能去結隨酒入膽結去膽下則目能瞑矣飲之果效病瘳免歸不復出乙於書無不閱不靳靳守古法時度越縱舍卒與

法會尤邃本草諸書卒年八十二

僧智緣隨州人善醫每察脈知人貴賤禍福診父脈知子吉凶所言若神王珪疑古無此王安石曰醫和診晉侯知其良臣將死視父知子亦何足怪哉熙寧中王韶謀取青唐上言蕃族重僧而僧結吳叱臘主部帳甚衆請智緣與俱至邊神宗召見賜金遣乘傳而西遂稱經略大師智緣有辯口徑入蕃中說結吳叱臘歸化而他族皆因以書款詔頗忘惡之言其撓邊事召還卒

郭天信字佑之開封人以技隸太史局徽宗爲端王嘗退朝天信密遮白曰王當有天下旣而卽帝位因得親

暱累擢定武軍節度使佑神觀使頗與聞外朝政事見  
蔡京亂國每託天文以撼之且云日中有黑子帝甚懼  
言之不已京由是黜為京黨所陷連貶行軍司馬竄新  
州天信至數月死京已再相猶疑天信挾術多能死未  
必實令發棺驗視焉

魏漢津本蜀黥卒也自言師事唐仙人李良號李八百  
者授以鼎樂之法嘗過三山龍門聞水聲謂人曰其下  
必有玉卽沒水抱石而出果玉也崇寧初朝廷協考鐘  
律召見獻樂議言得黃帝夏禹聲律身度之說謂人主  
稟賦與衆異請以帝指三節三寸為度定黃鐘之律而

中指之徑圍則度量權衡所自出也當時以爲迂怪蔡  
京獨神之於是請先鑄九鼎次鑄鐘器鼎成賜號沖顯  
處士大晟樂成受羣臣朝賀加漢津虛和沖顯寶應先  
生漢津死後卽鑄鼎之所建寶成殿祀黃帝夏禹成王  
周召而良漢津俱配食謚漢津爲嘉晟侯有馬賁者出  
京之門在大晟府十三年方議樂時依違其間無所質  
正擢至通議大夫徽猷閣待制名器之濫如此

王老志濮州人遇異人於句中自言吾所謂鍾離先生  
也予之丹服之而狂遂棄妻子結草廬田間時爲人言  
休咎政和三年召至京師館蔡京第焚絨書

封至

所徽宗啓讀乃言歲秋中與喬劉二妃燕好語也由是  
信之封爲洞微先生朝士多從求書其門如市嘗獻乾  
坤鑑法命鑄之旣成謂帝與皇后他日皆有難請時坐  
鑑下思所以儆懼消變者丐歸未得請病甚始許歸濮  
而死詔賜金以葬贈正議大夫

王仔昔洪州人自言遇許遜得大洞隱書豁落七元之  
法能道人未來事徽宗召見賜號沖隱處士嘗默祝爲  
宮妃療赤目用其符法立愈進封通妙先生仔昔倨傲  
又少驚帝待以客禮故其遇巨閹殆若童奴及林靈素  
有寵忌之陷以事下獄死仔昔之得罪宦者馮浩力最

多未死時書示其徒曰上蔡遇冤人其後浩南竄至上  
蔡被誅

林靈素溫州人以從浮屠學苦其師笞罵去爲道士善  
妖幻政和末王老志王仔昔旣衰徽宗訪方士於左道  
錄徐知常以靈素對旣見大言謂帝爲長生大帝君下  
降于世貴妃劉氏方有寵請爲九華玉真安妃帝心獨  
喜其事賜號通真達靈先生賞資無筭建上清寶籙宮  
密連禁省天下皆建神霄萬壽宮其實無所能解惟稍  
識五雷法召呼風霆間禱雨有小驗而已朝士之嗜進  
者靡然趨之每設大齋輒費緡錢數萬謂之下道會其

徒美衣玉食幾二萬人遂立道軍置郎大夫十等始欲盡廢釋氏以逞前憾旣而改其名稱冠服靈素益尊重秩視中奉大夫升溫州爲應道軍節度加號元妙先生金門羽客冲和殿侍晨出入呵引至與諸王爭道都人稱曰道家兩府後遇皇太子弗避太子入訴帝怒斥還故里又徙置楚州而已死遺奏至猶以侍從禮葬焉皇甫坦夾江人善醫術高宗召見問何以治身坦曰心無爲則身安人主無爲則天下治爲太后治目疾立愈帝厚賜之一無所受復問以長生久視之術坦曰先禁諸欲勿令放逸丹經萬卷不如守一帝書清靜二字以



名其菴且繪其像禁中

王克明字彥昭樂平人後徙湖州烏程紹興乾道間名醫也魏安行妻風痿十年不起克明施鍼而步履如初盧州守王安道風瘖不語旬口他醫莫知所爲克明令熾炭燒地灑藥置安道于上須臾而蘇金使黑鹿谷過姑蘇病垂死克明治之明日愈名聞北方張子蓋救海州戰士大疫克明時在軍中全活者幾萬人克明頗知書好俠尚義常數千里赴人之急初試禮部中選累任醫官王炎宣撫四川辟克明不就炎怒劾克明避事坐貶秩後遷至額內翰林醫痊局賜金紫卒

莎衣道人姓何氏名中立胸山人治進士業紹興末來  
平江倏若狂者衣白襴勾食干市夜止天慶觀久之衣  
益敝以莎緝之遊妙嚴寺臨池見影豁然大悟問休咎  
輒奇中孝宗在位夜夢有莎而跣哭而來弔問之曰臣  
蘇人也詰其故則不肯言寤以語中官月餘成恭后崩  
莊文繼卽世中官因言臣微時聞蘇有何姓者類夢中  
人帝大驚召之不至帝念恢復大計累歲未有所屬后  
位虛且久乃焚香默祈遣中官致贊不言所以道人見  
之掉首吳音曰有中國卽有外夷有日卽有月不須問  
趣之去帝賜號通神先生爲築菴觀中賜衣數襲皆不

受又嘗遣中官問中原事道人授紙筆口誦有胡孫施  
白不終場及也須還我二百州之語後頗驗光宗召之  
亦不至慶元中卒道人耐寒暑啖肉至十數斤獨不飲  
酒死前一日取寄衣於郭氏既至端坐而逝太皇太后  
前兩夜夢其求衣亟命特賜後一日至遂易之以瘞  
孫守榮富陽人幼病瞽遇異人授風角鳥占之術其法  
以音律推五數播五行以知休咎復授以鐵笛守榮因  
號富春子吹笛市中人初不異也寶慶間遊吳興聞譙  
樓鼓角聲驚曰旦夕且有變士人當有典郡者越兩月  
番內作亂王元春以告變功典郡自是富春子之名大

顯丞相史嵩之頗喜之一日庭鵲噪令之占曰來日博  
時當有寶物至明日李全果以玉柱斧爲貢士大夫咸  
詢履歷守榮不盡答私謂所知曰吾以音推諸朝紳互  
有羸縮宋祿其殆終乎後爲嵩之所忌誣以罪貶死

宋史新編卷一百八十一

宋史新編卷一百八十二

列傳一百二十四

明南京戶部主事莆田柯維騏著

外戚上

夫外戚之臣憑寵則驕據權則恣驕恣不已則亂自昔然也宋懲前軌凡后妃家母得除二府而駙馬都尉須七年始遷其後雖母后臨朝無敢或紊成憲宋之家法有足稱者矣雖然南渡韓侂胄賈似道非緣戚里進哉蟻穴不塞終以隄防可不慎歟

杜審琦

弟審權審盛審進從子彥圭彥鉤孫守元曾孫惟序

賀令圖

楊重進附

王繼勳

劉知信

子宗

劉文裕

符惟忠

李昭亮

郭崇仁

劉美

子從德從廣孫末年馬季良附

楊景宗

李用和

子瑄瑋附

曹侑

從弟偕子評誘

張堯佐

柴宗慶

杜審琦安喜人昭憲皇太后之兄也弟審玉審瓊審肇  
審進世居常山以積善聞審琦仕後唐爲義軍指揮使  
卒審玉亦早卒太祖贈審琦左神武衛大將軍以其子  
彥超爲西京作坊使彥超卒贈左領軍衛大將軍  
審瓊建隆初授檢校國子祭酒累遷右衛大將軍權判  
右金吾街仗事又兼點檢侍衛步軍司事卒年七十謚  
恭僖審瓊性醇質畏慎里閭清肅人皆稱之加贈太師

中書令子彥圭

審肇歷官右驍衛上將軍出知澶州命司封郎中姚恕  
通判州事以左右之未幾河大決太祖怒不卽奏遣使  
案鞠論恕棄市免審肇官俄復之令致仕卒謚溫肅加  
贈太傅

審進建隆三年改右羽林大將軍乾德中歷知陝州連  
改保義軍節度太宗累加至檢校太師上以審進年高  
不當煩以劇務授右衛上將軍奉給如故雍熙四年復  
授靜江軍節度端拱元年加開府儀同三司是歲卒年  
七十九贈中書令謚恭惠審進鎮陝二十餘年勸農敦

本民庶便之。雖位居節制，無驕矜之色。人推其醇厚。景德三年，追封京兆郡王。後贈尚書令。子彥鈞、彥彬。

彥圭起家六宅副使，累遷沙州觀察使，出知定州。雍熙中，北伐，命副米信爲幽州西北道行營都部署。彥圭不容軍士哺食，設陣不整，以致亡失。坐左遷均州團練副使。卒，于貶所加贈太師。子守元。

彥鈞起家補供奉官，累遷密州觀察使，出爲并代副都部署。卒，贈安化軍節度。

守元歷遷如京洛苑使，後領梧州刺史，連爲并代鎮定高陽關鈐轄卒。



惟序字舜功自三班奉職累功遷至大名府路總管改  
乾州團練使卒

賀令圖開封人父懷浦孝惠皇后兄也仕軍中爲散指  
揮使後爲岳州刺史領兵屯三交雍熙三年春從楊業  
北征沒於陣令圖少謹原隸太宗左右洎卽位補供奉  
官歷平州刺史充幽州行營壕砦使會父戰死起家爲  
六宅使領本州團練使護瀛州屯兵先是令圖握兵邊  
郡十餘年多言邊塞利害及幽薊可取之狀上信之故  
有岐溝之舉旣而師敗議者皆咎其貪功生事令圖輕  
而無謀契丹將耶律遼寧號于越者使諜給曰我獲罪

本國願歸南朝無路自拔幸君侯少留意焉令圖私遺以重錦十兩是年十二月于越率衆入寇大將劉廷讓與戰于君子館令圖爲先鋒被圍數重于越傳言軍中願得見賀使君令圖意其來降而終獲大功卽引麾下數十騎逆之于越反縛令圖而去令圖與其父首謀北伐一歲中父子皆陷焉令圖時年三十九是役也別將楊重進亦死之

王繼勳孝明皇后同母弟也累遷保寧軍節度觀察留後領虎捷左右廂都虞候權侍衛步軍司事繼勳所爲多不法上念后不之罪也乾德四年爲部曲所訟詔中

書鞫之解兵柄爲彰國軍留後奉朝請繼勳自以失職  
常怏怏專以鬻割奴婢爲樂前後多被害詔削奪官爵  
俄又配流登州未至改右監門率府副率開寶三年命  
分司西京繼勳殘暴愈甚洛民苦之而不敢告太宗卽  
位有訴者命雷德驤乘傳往鞫之繼勳具伏手所殺婢  
百餘人乃斬繼勳洛陽市

劉知信字至誠邢州人父遷晉滑州奉國軍校從驍將  
皇甫暉禦邊有功早卒母卽昭憲太后妹也知信三歲  
而孤建隆三年起家授供奉官歷事三朝累官建武軍  
節度觀察留後知永平軍府又再知天雄軍真宗北巡

充駕前副都部署歷知河陽昇州景德元年車駕幸澶  
淵命爲東京都巡檢使復知定州二年以疾求還京至  
鎮州卒年六十三贈太尉天平軍節度知信中外踐歷  
最爲舊故以循謹聞子承宗承渥

承宗幼善射兼習書數以蔭補殿直寄班祇候歷宮苑  
使知雄州河北緣邊安撫使在郡有治迹詔書嘉獎累  
遷東上閤門使徙鄜延都鈐轄卒承渥蔭補殿直累任  
使喜爲條奏至供養官閤門祇候

劉文裕字以寧保州保塞人簡穆皇后從孫也祖正晉  
幽州管田使兼平州刺史父審琦武牢關使從征李重

進戰死兄文遠建隆中爲供奉官亦死於王事弟文質  
別有傳文裕開寶四年起家補殿直太宗擢爲內弓箭  
庫副使出爲秦隴巡檢有李飛雄者太保鱗之孫秦州  
節度判官若愚之子性兇險不爲其家所容常往東京  
師魏博間與無賴惡少游處縱酒蒲博爲務以其父故  
盡知秦州倉庫所積及地形險易兵籍多少又有妻父  
張季英爲鳳翔蓋屋尉飛雄自京師往省之因乘季英  
馬詐爲使者夜抵廐置呼卒索馬卒秉炬出迎飛雄以  
私市馬纓示之卒不能辨卽授以馬一匹乘馬前導以  
巡邊爲名因矯詔率巡驛殿直姚承遠等從行先是秦

州內屬羌人爲寇朝廷遣周承璿田仁朗王侁梁崇質  
韋韜馬知節及文裕領兵屯清水縣飛雄至稱制盡縛  
之承璿等見姚承遂數輩同至不覺其詐仁朗獨號泣  
求詔書飛雄叱之曰我受密旨以若輩逗撓不用命令  
盡誅汝豈不聞封州殺李鶴邪詔書汝豈得見上卽位  
時嶺南使者言封州李鶴不奉法詔卽誅之故飛雄引  
以爲言將械承璿等詣秦州戮之因據城叛遂驅承璿  
等行初飛雄詐宣制時自言我上南府時親吏文裕因  
哀告飛雄曰我亦嘗依晉邸使者豈不營救之乎飛雄  
低語謂文裕曰爾能與我同富貴否文裕覺其詐許之

飛雄卽釋其縛文裕策馬前附耳語仁朗仁朗作墜馬  
若風眩狀飛雄共前視之又釋其縛仁朗奮起搏飛雄  
與文裕共擒之送秦州獄鞫得實飛雄承遂等坐要斬  
夷飛雄家廐置卒亦夷其族文裕後累遷高陽關都監  
雍熙初徙屯三交加領順州團練使從潘美北征坐陷  
失驍將楊業削籍配隸登州事具業傳歲餘上知其情  
召文裕還遷至容州觀察使出爲鎮州兵馬部署卒於  
屯所年四十五贈寧遠軍節度

符惟忠字正臣懿德皇后外家三世孫也以外祖母賢  
靖大長公主蔭爲三班奉職後擢至西染院副使權提

舉倉草場提點開封府界縣鎮公事開封主簿樂誥宰相王曾外孫也或風使薦之惟忠不從曰誥無善狀安可以勢使我旣而誥果以賊敗惠民河與刁河合流歲多決溢害民田惟忠自宋樓鎮碾灣橫隴村置斗門殺水勢以接鄭河圭河自是無復有水害累遷西上閣門副使契丹遣使求地惟忠副富弼往報使遷閣門使道卒贈客省使眉州防禦使

李昭亮字晦之明德皇后兄繼隆子也四歲補東頭供奉官累遷至武寧軍節度使代李用和爲殿前副都指揮使時承平乂將士多因循樂縱弛昭亮本將家子雖



以恩澤進然習軍中事既統宿衛政尚嚴多所建請禹  
勝龍猛軍捕博爭勝負徹屋椽相擊士皆惶駭昭亮捕  
斬之杖其主者禁兵自是頓肅歷拜同中書門下平章  
事判大名府仁宗以塗金紋羅書曰李昭亮親賢勳舊  
命其子惟賢持以賜徙定州改天平彰信泰寧軍節度  
使在定州數言老疾不任邊事願還京師乃以爲景靈  
宮使又改昭德軍節度使卒贈中書令謚良僖昭亮爲  
人和易練習近事於吏治頗通敏善委任僚佐以故數  
更藩鎮無他過惟賢字寶臣以父蔭爲三班奉職累遷  
四方館使卒惟賢善宣辭令習朝儀仁宗頗愛之

郭崇仁字永年守文之子章穆皇后弟也累擢捧日天武四廂都指揮使賀州防禦使高陽關路馬步軍副都總管以疾落軍職改磁州防禦使卒贈彰德軍節度觀察留後崇仁雖外戚朝廷未嘗過推恩澤其爲解州團練使十年不遷嘗除知相衛二州皆辭不行其性蓋慎靜云

劉美字世濟并州人父通事在章獻皇后傳后通長女也美后兄也歷官洛苑使領勤州刺史真宗欲委兵柄以后懇讓中輟者數四遷至侍衛馬軍部虞候加武勝軍節度觀察留後卒贈太尉昭德軍節度錄其子從德

從廣后既爲太后臨朝遷從德至恩州兵馬都總管知  
相州卒贈保寧軍節度使諡康懷恤典特厚語在后傳  
子求年

從廣字景元娶荆王元儼女累遷宣州觀察使同勾當  
三班院請補外自效以知洛州漳水溢從廣穿隋故渠  
以殺水勢洛人便之徙邢州召還復領三班院出知襄  
州徙真定府路馬步軍副都總管卒贈昭慶軍節度使  
諡良惠從廣性謹飭然喜交士大夫時頗稱之

求年字君錫生四歲授內殿崇班許出入兩宮仁宗使  
賦小山詩有一柱擎天之語帝奇之年十二始聽出外

累遷廉州團練使爲陝州都監以破賊功連擢幹辦皇城司歷知涇州又同提舉在京諸司庫務凡三除防禦使皆爲言者所論而寢知代州契丹取西山木積十餘里輦載相屬於路前守不敢遏末年遣人焚之一夕盡上其事帝稱善帝嘗問禦戎策對合旨書忠孝字以賜英宗立歷遷步軍馬軍殿前都虞候太原定州路副都總管王師征安南末年請先士卒度富良江取賊以獻不許遷邕州觀察使步軍副都指揮使卒贈崇信軍節度使諡莊恪

馮季良字元之開封府尉氏人家本茶商娶劉美女初

補上虞尉後歷刑部詳覆官劉太后臨朝累遷龍圖閣直學士同知審官院俄出爲江南安撫使再遷兵部郎中太后崩換濠州防禦使赴本州言者論季良徼倖得官降秩滁州安置歲餘徙壽州致仕還京師卒

楊景宗字正臣保慶太后從父弟累遷成州防禦使其後坐事屢黜屢起爲汝州鈐轄祀明堂覃恩願還所改官求爲郡仁宗謂輔臣曰景宗性貪虐老而益甚郡不可予也乃復以爲建寧軍留後提舉四園苑改提舉在京諸司庫務卒贈安武軍節度使兼太尉諡莊定景宗起徙中以外戚故至顯官然性暴戾所至爲人患復使

宋史紀事本末卷一百一十一  
酒任氣奉賜隨費無餘云

李用和字審禮仁宗母宸妃弟也少窮困劉美奏爲三班奉職累遷彰信軍節度使同中書門下平章事景靈宮使兼侍中卒贈太師中書令諡恭僖帝爲撰碑曰親賢之碑初帝念母不逮養故外家褒寵特厚用和列位將相能小心靜默推遠權勢論者稱之子璋

璋字公明以恩補三班借職累遷武勝軍節度使殿前都指揮使仁宗書忠孝李璋字并祕書賜之宴近臣羣玉殿酒半命大盞二飲韓琦及璋如有所屬帝崩以武成軍節度使知鄆州京東盜白日殺縣令略人道中璋

信賞罰擒捕盜爲衰止發卒城州西關調夫修路數十  
里夾道植柳人指爲李公柳知鄧州坐失舉改節振武  
軍知郢州卒贈太尉諡良惠弟瑋珣

瑋選尚周陳國大長公主積官濮州團練使以樸陋與  
主不相能所生母又忤主意主中夜扣禁門入訴瑋皇  
恐自劾坐罰金後數年終不復協主降封還宮瑋落駙  
馬都尉知衛州未幾主徙封復瑋都尉主薨瑋以奉主  
亡狀貶秩陳州安置赦還至建武軍節度使檢校太師  
卒贈太師中書令

珣字公粹以蔭爲閣門祇候累遷均州防禦使知相州

未幾遷相州觀察使時劉永年亦同除官知制誥楊政  
以爲不可開僥倖之門御史范鎮復論之命遂寢熙寧  
中遷宣州觀察使知潁州哲宗初進秦寧軍留後提舉  
禹壽觀復知相州卒

曹伸字公伯彬之孫慈聖光憲皇后弟也性和易美儀  
度通音律善奕射喜爲詩自右班殿直累遷至保靜保  
平軍節度使同中書門下平章事景靈宮使加兼侍中  
封濟陽郡王神宗每咨訪以政然退朝終日語不及公  
事帝謂大臣曰曹王端拱寡過善自保真純臣也以進  
國軍節度使司徒兼中書令爲太一宮使哲宗卽位



少保卒年七十二贈太師追封沂王從弟偕子評誘  
偕字光道少以節俠自喜累官華州防禦使知相州徙  
河陽總管卒嘗從梅堯臣學詩堯臣稱之

評字公正以父任累官至寧遠軍留後平海軍節度使  
佑神觀使使契丹者四館伴者十二在閤門十二年預  
修儀制多所增損性喜文史書有楷法尤善射左右手  
如一夜或滅燭能中在戚里號爲湛厚卒年六十六贈  
開府儀同三司

誘字公善以蔭遷至安德軍節度使醴泉觀使與兄評  
同日拜命立雙節堂於家戚里榮之性謹密習熟典故

卒年六十五贈開府儀同三司諡忠定

張堯佐字希元河南永安人溫成世父也第進士歷知開州還判登聞鼓院時溫成方爲脩媛欲以門閥自表異故堯佐稍進用權開封府推官又提點府界公事諫官余靖言用堯佐不宜太遽未幾遷至給事中端明殿學士拜三司使明年諫官包拯陳升之吳奎言法制刑敝實自堯佐臣等竊惟親昵之私聖人不免惟處之有道使不踐危機斯爲得矣未幾連拜准康軍節度使羣牧制置使宣徽南院使景靈宮使賜二子進士出身拯等復言陛下卽位僅三十年未有失道敗德之事乃五

六年來擢用堯佐羣口竊議以謂其過不在陛下在文  
謁近習與執政大臣也蓋文謁近習知陛下繼嗣未立  
既有所私莫不潛有趨向執政大臣不能規諫乃從諛  
順旨高官要職惟恐堯佐不滿其意致陷陛下於私昵  
後宮之過御史中丞王舉正留百官班欲廷議不許是  
日堯佐辭宣徽使從之未幾復以宣徽使判河陽  
舉正又抗論徙鎮天平軍卒贈太師堯佐持身謹畏頗  
通吏治以戚里進遽至崇顯戀嫖恩寵爲世所鄙從弟  
堯封孝謹好學第進士爲石州推官次女卽溫成也累  
贈至中書令清河郡王諡景惠

柴宗慶字天祐大名人祖禹錫父宗亮宗慶尚太宗女  
升行爲禹錫子拜左衛將軍駙馬都尉領恩州刺史歷  
拜彰德軍節度使仁宗連徙永清彰德軍拜同中書門  
下平章事徙節武成軍出知澶州未行改陝州潞州後  
判鄭州以縱部曲擾民召還奉朝請久之出判濟州用  
御史中丞賈昌朝言留不遣卒贈中書令謚榮密主先  
宗慶沒宗慶歷官多過失性極貪鄙積財鉅萬而薄於  
自奉及終以無子獻其貲產仁宗以幼女尚在不許